



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 412
fax. +387 33 726 414
e – mail: info@voda.ba

Broj: **UP-1/21-3-40-580-4/23**

Datum: **22.02.2024. god.**

„Agencija za vodno područje rijeke Save“ Sarajevo rješavajući po zahtjevu pravnog lica „ASFALT GROUP“ d.o.o. Lukavac, za donošenje rješenja o vodnoj dozvoli za ispuštanje oborinskih onečišćenih otpadnih voda (tehnoloških otpadnih voda) u prirodni recipijent sa lokacije pogona za proizvodnju asfalta izgrađene u naselju Puračić, Grad Lukavac, na osnovu člana 139. stav (1) tačka 3. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine Federacije BiH“, broj 2/98, 48/99 i 61/22), donosi

RJEŠENJE **o vodnoj dozvoli**

1. Pravnom licu „ASFALT GROUP“ d.o.o. Lukavac daje se vodna dozvola za ispuštanje oborinskih onečišćenih otpadnih voda (tehnoloških otpadnih voda) u prirodni recipijent sa lokacije pogona za proizvodnju asfalta firme „ASFALT GROUP“ d.o.o. Lukavac, izgrađene na zemljištu označenom kao k.č. broj: 2047/2 i k.č. broj: 2048/1 K.O. Puračić, Grad Lukavac.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Vodna dozvola se daje na osnovu činjeničnog stanja utvrđenog pregledom dostavljene tehničke i druge dokumentacije, izvršenog uviđaja na lokaciji objekta i priloženim dinamičkim planom koji je sastavni dio spisa i pod slijedećim uslovima:
 - 3.1. Da se do 31.12.2024. godine izradi projekat izvedenog stanja objekata za odvodnju i tretman otpadnih voda. Projekat treba da obuhvati prikaz interne kanalizacione mreže — tehnološka i oborinska onečišćena voda sa svim pripadajućim objektima (šahтови, slivnici, podzemni kanalizacioni vodovi i dr.) i to od mjesta nastanka do mjesta ispusta. Projektna dokumentacija treba da obuhvati i proračun prihvatnog kapaciteta postojeće betonske tankvane.
 - 3.2. Da se do 30.04.2025 godine završe radovi na izgradnji sistema za prikupljanje, tretman i ispuštanje oborinskih onečišćenih voda (tehnoloških otpadnih voda) u prirodni recipijent.
 - 3.3. Da se upotreba i korištenje predmetnog objekta vrši u skladu sa urađenom investiciono tehničkom dokumentacijom, koja je služila kao podloga za davanje ove vodne dozvole.
 - 3.4. Korisnik poslovnog objekta za sve vrijeme trajanja ove vodne dozvole, mora obezbijediti da se oborinske onečišćene vode sa saobraćajnih i manipulativnih površina zajedno sa tehnološkim otpadnim vodama nastalim u krugu pogona za proizvodnju asfalta (deponije pijeska) nesmetano prikupljaju sistemom slivnih rešetki i kanalizacione mreže te odvede do uređaja za prečišćavanje onečišćenih voda (taložnik, tipski separatora ulja i naftnih derivata), a zatim preko okna za monitoring ispuštaju u recipijent.
 - 3.5. Da se skladištenje mazuta, energenta za zagrijavanje bitumena, vrši u nadzemnim čeličnim spremnicima, kapaciteta 2x20 t, smještenim u armiranobetonskoj tankvani adekvatne zapremine.
 - 3.6. Da se skladištenje bitumena, vezivnog sredstva u proizvodnji asfalta, vrši u nadzemnim čeličnim spremnicima, kapaciteta 2x15 t, koji su smješteni u armiranobetonskoj tankvani adekvatne zapremine.
 - 3.7. Da se poduzmu sve potrebne mjere kojima bi se obezbijedilo da prečišćene otpadne vode, prije ispuštanja u recipijent, zadovolje granične vrijednosti emisije definisane članom 14. i članom 15. Uredbe o uslovima ispuštanja otpadnih voda u okoliš i sisteme javne kanalizacije.
 - 3.8. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa Uredbom o uslovima ispuštanja

otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 19. i 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.

Izveštaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).

- 3.9. Korisnik poslovnog objekta je obavezan da izgrađene objekte, a čija svrha je odvođenje i prečišćavanje onečišćenih voda, redovno održava i koristi na način koji će obezbijediti njihovu potpunu ispravnost i funkcionalnost, kako bi se zadovoljio propisani kvalitet efluenta. Čišćenje i pražnjenje uređaja za tretman otpadnih voda, odnosno separatora ulja i masti može vršiti isključivo firma ovlaštena za tu vrstu djelatnosti, prema posebnom ugovoru.
- 3.10. Korisnik je obavezan da redovno vodi dnevnik o pražnjenju i odvozu sadržaja taložnika i separatora ulja i masti, izdvojenim naftnim derivatima i talogu iz taložnika i separatora ulja i masti
- 3.11. Sadržaj (mulj) iz uređaja za prečišćavanje otpadnih voda i ostali otpad ne smije se odlagati na česticu «vodno dobro», odnosno u vodotoke i na njegove obale.
- 3.12. Da se u skladu sa propisima iz oblasti zaštite okoliša vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
- 3.13. Osigurati priručna sredstva za brzu intervenciju u slučaju nekontrolisanog rasipanja opasnog otpada i isticanja naftnih derivata, kako bi se spriječilo moguće onečišćenje voda i tla.
- 3.14. Investitor je obavezan pridržavati se svih mjera i uslova propisanih u saglasnostima i dozvolama, izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07 - 03/16), Prilog 1., Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove vodne dozvole, Investitor, odnosno korisnik objekta „ASFALT GROUP“ d.o.o. Lukavac je dužan provoditi sve mjere i aktivnosti propisane istom.
6. Ukoliko radom predmetnog objekta dođe do promjene režima površinskih ili podzemnih voda, a te promjene prouzrokuju štete ma kakvog karaktera, korisnik vodne dozvole je obavezan uzroke štete otkloniti, a nastalu štetu nadoknaditi.
7. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
8. Ova vodna dozvola, shodno članu 26. stav 1. Uredbe o uslovima ispuštanja otpadnih voda u okoliš i sisteme javne kanalizacije se daje sa rokom važenja 30.06.2026.
9. Prije isteka važnosti ove dozvole, Investitor, odnosno korisnik objekta je dužan da podnese zahtjev za izdavanje nove vodne dozvole.

Obrazloženje

Investitor „ASFALT GROUP“ d.o.o. Lukavac, obratio se ovoj Agenciji sa zahtjevom za ispuštanje oborinskih onečišćenih otpadnih voda (tehnoloških otpadnih voda) u prirodni recipijent sa lokacije pogona za proizvodnju asfalta firme „ASFALT GROUP“ d.o.o. Lukavac, izgrađenog na zemljištu označenom kao k.č. broj: 2047/2 i k.č. broj: 2048/1 K.O. Puračić, Grad Lukavac.

U provedenom postupku, uz zahtjev za donošenje rješenja o vodnoj dozvoli, dostavljena je i pregledana slijedeća dokumentacija:

- Rješenje o o izmjenama podataka, broj rješenja: 032-0-Reg-23-000160 od 02.02.2023. godine izdato od strane Kantonalnog suda u Tuzli – ovjerena kopija;
- Uvjerenje o poreznoj registraciji od 07.02.2022. godine izdato od strane Kantonalnog poreznog ureda u Tuzli – ovjerena kopija;
- Rješenje o odobrenju za građenje, broj: UPI/03-23-2-246/10 od 23.09.2010. godine izdato od strane Federalnog ministarstva prostornog uređenja – kopija;
- Rješenje za upotrebu, broj: UPI/03-23-2-252/11 od 19.12.2011. godine izdato od strane Federalnog ministarstva prostornog uređenja – kopija;
- Rješenje o vodnoj dozvoli, broj: UP-I/25-3-40-135-4/21 od 21.04.2021. godine izdato od strane Agencije za vodno područje rijeke Save, Sarajevo – kopija;
- Kopija Ugovora o čišćenju separatora i zbrinjavanju opasnog otpada broj: 562-01/22 od 21.07.2022. zaključenog sa „KEMEKO-BH“ d.o.o. Lukavac;
- Izvještaj o monitoringu kvaliteta i kvantiteta otpadnih voda od 01.11.2023. godine urađen od strane TQM d.o.o. Lukavac, broj: 1/1;
- Projekat izvedenog stanja poslovno-proizvodnog objekta za proizvodnju asfalta u naselju Puračić na zemljištu označenom kao k.č. br. 2047/2 i 2048/1 K.O. Puračić, Općina Lukavac, urađen od strane Univerziteta u Tuzli, novembar 2011. godine (na uvid);
- Dokaz o uplaćenju upravnoj pristojbi i administrativnoj taksi.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa članom 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata („Službene novine Federacije BiH“ broj 31/15, 55/19, 41/20 i 63/22), ovaj organ je pokrenuo upravni postupak, te je dana 14.02.2024. godine izvršen pregled objekata, o čemu je sačinjen Zapisnik o uviđaju broj: UP-1/21-3-40-580-2/23.

Na osnovu dostavljene dokumentacije i izvršenog uviđaju na predmetnoj lokaciji utvrđeno je slijedeće: Pogon za proizvodnju asfalta sa pratećim sadržajima izgrađen je na zemljištu označenom kao k.č. broj: 2047/2 i 2048/1 K.O. Puračić, Grad Lukavac. Tip asfaltne baze je „WIBAU-KOVINARSKA WKM 130“, kapaciteta 130 t/h gotove asfaltne mješavine.

Proizvodni kompleks obuhvata slijedeća postrojenja, objekte i opremu: postrojenje za doziranje materija sa transportom do sušare, postrojenje za sušenje sa transportom do sita, sistem oprашivanja dimnih gasova koji dolaze iz sušare, sistem prosijavanja, vaganja i miješanja, sistem doziranja punila i drugih dodataka, sistem skladištenja gotove asfaltne mase, sistem za skladištenje bitumenskih masa, lož ulja i filera, sistem za upravljanje proizvodnjom asfaltne mase, komandna kabina sa pratećim sadržajima, upravna zgrada, kotlovnica sa sanitarnim čvorovima, portirnica, kolska vaga, prostor za deponiju kamenog materijala, sistem za prečišćavanje otpadnih voda, saobraćajne, manipulativne površine i parking prostor za osobna vozila sa ulazno-izlaznom kapijom.

Skladištenje opasnih materija se vrši u: silosu za asfalt je kapaciteta 200 t, 3 silosa za filer kapaciteta su 3x50 m³, tri cisterne za bitumen (3x40 m³), rezervoaru za lož ulje zapremine V=30 m³, rezervoaru za termo ulje zapremine V=20 m³.

Onečišćene vode opterećene naftom, naftnim derivatima, prašinom i sl. komponentama slobodno otiču po okolnom terenu (manipulativnih površine, pristupni put i parking prostor nisu asfaltirani).

Od podnosioca zahtjeva je u skladu sa Uredbom o izmjenama i dopunama Uredbe o uslovima ispuštanja otpadnih voda u okoliš i sisteme javne kanalizacije («Sl. novine Federacije BiH», broj: 1/24), zapisnikom broj: UP-1/21-3-40-580-2/23 od 14.02.2024. godine zatraženo da dostavi detaljni dinamički plan ulaganja za realizaciju radova na ispunjenju tačke 3.2. Rješenja o vodnoj dozvoli broj: UP-1/25-3-40-135-4/21 od 21.04.2021. Podnosilac zahtjeva je dana 21.02.2024. putem mail-a, te dana 22.02.2024. godine putem pošte dostavio traženi dinamički plan sa spiskom aktivnosti i mjera sa finansijskom procjenom za ulaganje, te rokove u kojima će pravni subjekt realizirati pojedine aktivnosti. Dostavljeni dokument koji je sastavni dio spisa je poslužio za definiranje uslova iz tačke 3.1. i 3.2. ovog rješenja.

- Na osnovu uvida u dostavljeni dinamički plan utvrđeno je da je krajnji rok za realizaciju svih radova 31.04.2025. godine.

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodnom dozvolom u tački 3. dispozitiva Rješenja propisani uslovi u skladu sa odredbama članova 53. i 116. Zakona o vodama, člana 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 3. tačka s) i članova 14., 19. i 20 Uredbe o uslovima ispuštanja otpadnih voda u okoliš i sisteme javne kanalizacije. Tačkom 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada i Odlukom o visini posebnih vodnih naknada („Službene novine Federacije BiH“, broj 46/07).

Podnosilac zahtjeva je uplatio i posebne troškove shodno Zaključku ove Agencije, broj: UP-1/21-3-4-580-3/24 od 15.02.2024.

Podnosilac zahtjeva je uplatio upravnu taksu u iznosu od 70 u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13)

Na osnovu provedenog postupka konstatuje se da je podnosilac zahtjeva ispunio minimum uslova za izdavanje vodne dozvole za ispuštanje oborinskih onečišćenih otpadnih voda, te je riješeno kao u dispozitivu ovog Rješenja.

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka: Meho Čaušević, Bsc.ing.građ.

Po ovlaštenju
Rukovodilac sektora za izdavanje vodnih akata



Haris Ališehović, dipl.ing.građ.

Dostaviti:

„ASFALT GROUP“ d.o.o. Lukavac, ul Ozrenskog ođerda bb, 75 300 Lukavac

AVP Sava, ISV – Vodna knjiga

Sektor 50

Sektor 40, arhiva

Oglašna ploča AVP Sava